

სახელმწიფო შესყიდვის შესახებ # 06/13 ხელშეკრულება

ქ.თბილისი

5 ივნისი 2019 წელი

ერთი მხრივ, საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება - სპეციალური პენიტენციური სამსახური შემდგომში „შემსყიდველი“, წარმოდგენილი მისი ეკონომიკური დეპარტამენტის უფროსის მოვალეობის შემსრულებლის იულია ტყეშელაშვილის სახით და მეორე მხრივ, სს „გეფა“ შემდგომში „მიმწოდებელი“, წარმოდგენილი მისი დირექტორის - მიხეილ აბრამიძის სახით, ორივე ერთად წოდებული როგორც „მხარეები“, „სახელმწიფო შესყიდვების შესახებ“ საქართველოს კანონის 20² მუხლის, აგრეთვე სახელმწიფო შესყიდვების სააგენტოს თავმჯდომარის 2018 წლის 14 დეკემბრის N14 ბრძანებით დამტკიცებული წესის "კონსოლიდირებული ტენდერის ჩატარების წესისა და პირობების დამტკიცების შესახებ" და „2019 წლის განმავლობაში ფარმაცევტული პროდუქტების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2018 წლის 4 დეკემბრის N2297 და „2019 წლის განმავლობაში ფარმაცევტული პროდუქტების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე საქართველოს მთავრობის 2018 წლის 4 დეკემბრის N2297 განკარგულებაში ცვლილების შეტანის შესახებ“ საქართველოს მთავრობის 2019 წლის 22 იანვრის N47 განკარგულებების საფუძველზე, ვდებთ წინამდებარე ხელშეკრულებას შემდეგზე:

1. ტერმინთა განმარტებები

„ხელშეკრულებაში“ გამოყენებულ ტერმინებს აქვს შემდეგი მნიშვნელობა:

- 1.1. „სატენდერო კომისია“ (შემდგომში „კომისია“) - ფარმაცევტული პროდუქტების კონსოლიდირებული ტენდერის სატენდერო კომისია;
- 1.2. „სატენდერო დოკუმენტაცია“ - (CON190000090) კონსოლიდირებული ტენდერის სატენდერო დოკუმენტაცია.

2. ხელშეკრულების საგანი

- 2.1. შემსყიდველის „საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება - სპეციალური პენიტენციური სამსახურის“ მიერ მედიკამენტების (CPV33600000 - ფარმაცევტული პროდუქტები) კონსოლიდირებული ტენდერის (CON190000090) საშუალებით შესყიდვა.
- 2.2. საქონლის დეტალური აღწერა, რაოდენობა, ტექნიკური მახასიათებლები და ღირებულება, რომელიც მიმწოდებლის მიერ წარმოდგენილია კონსოლიდირებულ ტენდერში (CON190000090), თან ერთვის ხელშეკრულებას N1 დანართის სახით და წარმოადგენს ხელშეკრულების განუყოფელ ნაწილს.

3. საქონლის ვარგისიანობის პირობები

- 3.1. მედიკამენტების ვარგისიანობის ვადა მისი მიღება-ჩაბარების აქტის გაფორმების თარიღიდან შეადგენს არანაკლებ 12 (თორმეტი) თვეს.
- 3.2. მიმწოდებელი იღებს ვალდებულებას, რომ შესყიდული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.
- 3.3. საქონლის მიწოდების შემდეგ, ხარვეზის ან/და წუნდებნის აღმოჩენის შემთხვევაში, მიმწოდებელი ვალდებულია შემსყიდველის მიერ განსაზღვრულ გონივრულ ვადაში აღმოფხვრას ხარვეზი ან/და გამოცვალოს დაზიანებული საქონელი ახლით.

4. ხელშეკრულების ღირებულება

4.1. ხელშეკრულების სავარაუდო ღირებულება შეადგენს **1214.40 (ერთი ათას ორას თოთხმეტი ლარი და 40 თეთრი)** ლარს.

4.2. ხელშეკრულების საერთო ღირებულება მოიცავს მიმწოდებლის მიერ ხელშეკრულებით ნაკისრი ვალდებულებების შესრულებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

5. საქონლის მიწოდების პირობები

5.1. **საქონლის მიწოდების ვადა:**

5.1.1. საქონლის მიწოდების ვადაა ეტაპობრივად, ხელშეკრულების თავში მითითებული თარიღიდან 2019 წლის 31 დეკემბრის ჩათვლით.

5.1.2. საქონლის მიწოდება უნდა განხორციელდეს ეტაპობრივად, შემსყიდველის მოთხოვნიდან არაუგვიანეს 2 (ორი) კალენდარული დღისა თბილისში, ხოლო დანარჩენ მისამართებზე - არაუგვიანეს 3 (სამი) კალენდარული დღის განმავლობაში.

5.2. **საქონლის მიწოდების ადგილი:**

5.2.1. საქონლის მიწოდების ადგილები მოცემულია ხელშეკრულების N2 დანართში.

5.2.2. საქონლის მიწოდების ადგილის ცვლილება შესაძლებელია შემსყიდველთან შეთანხმებით.

6. საქონლის მიღება-ჩაბარების წესი

6.1. წინამდებარე ხელშეკრულებით გათვალისწინებული საქონლის გადაცემის დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტ(ებ)ი.

6.2. საქონელი ჩაითვლება მიღებულად, მხოლოდ მხარეებს შორის მიღება-ჩაბარების აქტის გაფორმების შემდგომ.

6.3. შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირებს წარმოადგენენ: სპეციალური პენიტენციური სამსახურის ეკონომიკური დეპარტამენტის მომარაგების სამმართველოს სამედიცინო ლოჯისტიკის მენეჯერის მოვალეობის შემსრულებელი ლევან ზოზირაშვილი. მისი არ ყოფნის შემთხვევაში ამავე სამმართველოს I კატეგორიის უფროსი სპეციალისტი მარინე ნიკოლაიშვილი, ხოლო მიმწოდებლის მხრიდან კომერციული დირექტორი ან/და მის მიერ უფლებამოსილი პირი.

7. ანგარიშსწორება

7.1. საქონლის ღირებულების ანაზღაურება მოხდება უნაღდო ანგარიშსწორებით, ეროვნულ ვალუტა - ლარში.

7.2. ანგარიშსწორება შემსყიდველის მიერ მოხდება საქონლის მიწოდების თაობაზე მხარეთა შორის შესაბამისი მიღება-ჩაბარების აქტ(ებ)ის გაფორმებიდან და მიმწოდებლის მიერ საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან არაუგვიანეს 30 (ოცდაათი) კალენდარული დღის განმავლობაში.

7.3. მიღება-ჩაბარების აქტ(ებ)ის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

8. მხარეთა ვალდებულებები და უფლებები

8.1. **მიმწოდებელი ვალდებულია:**

8.1.1. საკუთარი ხარჯებით, უზრუნველყოს ხელშეკრულებით გათვალისწინებული საქონლის შეუფერხებლად მიწოდება; ამასთან, იგი იძლევა გარანტიას, რომ საქონელი შეესაბამება წინამდებარე

ხელშეკრულებითა და საქართველოს კანონმდებლობით განსაზღვრულ მოთხოვნებს და საქონელი იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელსა და ეტიკეტებზე იქნება კითხვადი (ასეთის არსებობის შემთხვევაში).

8.1.2. დროულად განიხილოს ხელშეკრულების შესრულების პროცესში წამოჭრილი პრობლემები და მიიღოს ზომები მათ აღმოსაფხვრელად.

8.1.3. სათანადო გულისხმიერებითა და პასუხისმგებლობით ითანამშრომლოს შემსყიდველ ორგანიზაციასთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

8.1.4. იმ შემთხვევაში, თუ ვერ ახერხებს საქონლის მიწოდებას დროულად, გულისყურით ითანამშრომლოს შემსყიდველ ორგანიზაციასთან, აცნობოს მას შეფერხების მიზეზი და შექმნილი პრობლემის აღმოფხვრის საბოლოო ვადა.

8.1.5. მჭიდროდ ითანამშრომლოს შემსყიდველთან საქონლის მიწოდების განრიგის, სიხშირის, მიწოდების ადგილისა და თითოეულ მისამართზე მისაწოდებელი პროდუქტის რაოდენობის დაზუსტების მიზნით.

8.1.6. უზრუნველყოს სატენდერო დოკუმენტაციითა და შემსყიდველთან გაფორმებული ხელშეკრულებით გათვალისწინებული სხვა ვალდებულებების შესრულება.

8.1.7. ხელშეკრულების გაფორმების შემდეგ მიმწოდებელს არ აქვს უფლება ხელშეკრულებით ნაკისრი ვალდებულებები განახორციელოს ქვეკონტრაქტორის მეშვეობით, სანამ ამის თაობაზე წერილობით არ აცნობებს კომისიას. ამასთანავე, მიმწოდებელს უფლება არ აქვს მთლიანად ან ნაწილობრივ, კომისიის წერილობითი თანხმობის გარეშე, გადასცეს მესამე პირს ხელშეკრულებით მისთვის მინიჭებული უფლება-მოვალეობანი.

8.2. შემსყიდველი ვალდებულია:

8.2.1. დაიცვას მიწოდებულ პროდუქციის ეტიკეტზე დატანილი (ასეთის არსებობის შემთხვევაში) და საქართველოს კანონმდებლობით დადგენილი პროდუქციის შენახვის წესები.

8.2.2. უზრუნველყოს ხელშეკრულების შესრულების კონტროლი.

8.2.3. მოახდინოს ანგარიშსწორება მიმწოდებელთან ხელშეკრულების პირობების შესაბამისად.

8.2.4. შეასრულოს ხელშეკრულებითა და სატენდერო დოკუმენტაციით მასზე დაკისრებული ვალდებულებები.

8.2.5. სათანადო გულისხმიერებითა და პასუხისმგებლობით ითანამშრომლოს მიმწოდებელთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

8.3. მიმწოდებელს უფლება აქვს:

8.3.1. ხელშეკრულების ფარგლებში მოითხოვოს დროული და სრული ანაზღაურება.

8.4. შემსყიდველს უფლება აქვს:

8.4.1. იმ შემთხვევაში, თუ მიმწოდებელი ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას შემსყიდველი უფლებამოსილია აღნიშნული ფაქტი შესაბამისი დასაბუთებით აცნობოს კომისიას.

9. ხელშეკრულების ინსპექტირება

9.1. „კომისია“ უფლებამოსილია ნებისმიერ დროს განახორციელოს მიმწოდებლის მიერ ხელშეკრულების პირობებისა და „სატენდერო დოკუმენტაციის“ მოთხოვნების შესრულების ინსპექტირება, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელებაში.

9.2. ინსპექტირების განამახორციელებელი პირ(ებ)ის უფლება-მოვალეობები:

9.2.1. მიმწოდებლის მიერ ხელშეკრულებით და „სატენდერო დოკუმენტაციით“ ნაკისრი ვალდებულებების ხარისხისა და მიწოდების ვადების სატენდერო მოთხოვნებთან და ხელშეკრულების პირობებთან შესაბამისობის დადგენის მიზნით, სათანადო კონტროლის/ზედამხედველობის განხორციელება.

9.2.2. თუ შემსყიდველს ან/და „კომისიას“ გაუჩნდება გონივრული ეჭვი შემოთავაზებული/მიწოდებული ფარმაცევტული პროდუქტის ხარისხთან ან/და შემადგენლობასთან დაკავშირებით, იგი უფლებამოსილია, შეატყობინოს სსიპ „სამედიცინო საქმიანობის სახელმწიფო რეგულირების სააგენტოს“ და მათი მეშვეობით, „წამლისა და ფარმაცევტული საქმიანობის შესახებ“ საქართველოს კანონის საფუძველზე, შეამოწმოს ფარმაცევტული პროდუქტის რეალიზატორების მიერ ფარმაცევტული პროდუქტის მიკვლევადობისთვის დადგენილი წესებისა და შენახვის პირობების დაცვის მდგომარეობა ან/და ნიმუშად აიღოს ფარმაცევტული პროდუქტი შემდგომი ლაბორატორიული კვლევის ჩასატარებლად.

10. ფორს-მაჟორი

10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2. ამ ხელშეკრულებაში „ფორს-მაჟორი“ ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს „კომისიას“ წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. ხელშეკრულების პირობების გადასინჯვა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების საერთო ღირებულების 10%-ზე მეტი ოდენობით გაზრდა. ასეთ შემთხვევაში შემსყიდველი ვალდებულია წერილობით აცნობოს „კომისიას“ აღნიშნული გარემოება.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების პირობების შეუსრულებლობა

12.1. ხელშეკრულებით ნაკისრი ვალდებულებების არაჯეროვნად შესრულების შემთხვევაში მიმწოდებელს ეკისრება პირგასამტეხლო შეუსრულებელი ვალდებულების 0.2%-ის ოდენობით, ყოველ ვადაგადაცილებულ კალენდარულ დღეზე გაანგარიშებით.

12.2. პირგასამტეხლოს გადახდა უნდა განხორციელდეს მხარის მიერ მეორე მხარისადმი გაგზავნილ შესაბამის წერილში მითითებული ვადიდან არაუგვიანეს 10 (ათი) კალენდარული დღის განმავლობაში.

12.3. საჯარიმო სანქციების გადახდა მხარე(ებ)ს არ ათავისუფლებს ძირითადი ვალდებულებების შესრულებისაგან.

12.4. იმ შემთხვევაში თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველი უფლებამოსილია შეწყვიტოს ხელშეკრულება მე-16 მუხლის გათვალისწინებით და მოსთხოვოს მიმწოდებელს შესაბამისი პირგასამტეხლოს გადახდა.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. თავის მხრივ, შეტყობინების მიმღები მხარე უფლებამოსილია გონივრულ ვადაში აცნობოს მხარეს თავისი გადაწყვეტილება, აღნიშნულ გარემოებებთან დაკავშირებით.

13.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

14.2. იმ შემთხვევაში თუ შემსყიდველი და მიმწოდებელი ვერ შეთანხმდებიან სადაო საკითხ(ებ)ის მოგვარების შესახებ, შეუძლიათ წერილობით მიმართონ „კომისიას“.

14.3. სადაო საკითხ(ებ)ის შეთანხმების გზით მოგვარების შეუძლებლობის შემთხვევაში, მხარეებმა კანონმდებლობით დადგენილი წესით შეუძლიათ მიმართონ სასამართლოს.

15. ხელშეკრულების შეწყვეტა/გასვლა

15.1. ხელშეკრულება წყდება ავტომატურად ხელშეკრულების მოქმედების ვადის ამოწურვისთანავე.

15.2. წინამდებარე ხელშეკრულება შეიძლება ვადამდე შეწყდეს:

15.2.1. ორმხრივი წერილობითი შეთანხმებით ნებისმიერ დროს;

15.2.2. ნებისმიერი მხარის ინიციატივით, ცალმხრივად და მხოლოდ „კომისიის“ თანხმობით თუ მეორე მხარე არ ასრულებს ან არაჯეროვნად ასრულებს ნაკისრ ვალდებულებებს, რის თაობაზეც მას წერილობით მიეცა გაფრთხილება და დარღვევის გამოსასწორებლად განესაზღვრა დამატებითი ვადა არანაკლებ 5 (ხუთი) კალენდარული დღის ოდენობით. ამასთან, დამატებითი ვადა შეიძლება არ მიეცეს, თუკი აშკარაა, რომ მას შედეგი არ ექნება, ან ვალდებულების არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება.

15.2.3. ხელშეკრულების შეწყვეტის შესახებ კომისიას უნდა ეცნობოს წერილობითი ფორმით შესაბამის ელექტრონულ ფოსტაზე: pharm2019@spa.gov.ge

15.2.4. ხელშეკრულების შეწყვეტის თაობაზე გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

15.3. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

16. ხელშეკრულების მოქმედების ვადა

- 16.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.
- 16.2. ხელშეკრულების მოქმედების ვადა განისაზღვრება 2020 წლის 31 იანვრის ჩათვლით.
- 16.3. ხელშეკრულება შედგენილია ელექტრონულ ეგზემპლარად, რომელთაც გააჩნიათ თანაბარი იურიდიული ძალა.
- 16.4. ხელშეკრულების ელექტრონული ეგზემპლარი ინახება - მიმწოდებელთან, ხოლო ასევე - შემსყიდველთან.

17. მხარეთა რეკვიზიტები

შემსყიდველი

საქართველოს იუსტიციის სამინისტროს მმართველობის
სფეროში მოქმედი სახელმწიფო საქვეუწყებო
დაწესებულება-სპეციალური პენიტენციური სამსახური
საიდენტიფიკაციო კოდი: 205360223
იურ. მის.:ქ. თბილისი, ზ. ანჯაფარიძის ქ. N27
ფაქტ. მის.:ქ. თბილისი, ზ. ანჯაფარიძის ქ. N27
დაფინანსების წყარო:
2019 წლის სახელმწიფო ბიუჯეტი
საბანკო რეკვიზიტები:
ხაზინის ერთიანი ანგარიში
ან ბანკის დასახელება სახელმწიფო ხაზინა
ბანკის კოდი - TRESGE22
შიდა ანგარიში ან ანგარიშის ნომერი- GE24 NB03
30100200 1650 22
სახაზინო კოდი - TRESGE22

*ეკონომიკური დეპარტამენტის უფროსის მოვალეობის
შემსრულებელი - იულია ტყემელაშვილი*

მიმწოდებელი

სს „გეფა“

საიდენტიფიკაციო კოდი: 201991229
იურ. მის.: 0159, თბილისი, ა. ბელიაშვილის ქ. N142
ფაქტ. მის.:0159, თბილისი, ა. ბელიაშვილის ქ. N142
საბანკო რეკვიზიტები:
ბანკის დასახელება:პროკრედიტ ბანკი
ბანკის კოდი: MIBGGE22
ანგარიშის ნომერი: GE89PC0133600100036748

დირექტორი - მიხეილ აბრამიძე

სახელმწიფო შესყიდვის შესახებ # 06/13 ხელშეკრულების
დანართი N1

ქ.თბილისი

5 ივნისი 2019 წელი

#	საერთაშორისო არაპატენტირებული დასახელება/მოქმედი ნივთიერება	დასახელება	წარმოების ქვეყანა	მწარმოებელი კომპანია	დოზა	ფორმა	ნუმერი	დაფასება/შეფუთვა	ჯამური რაოდენობა	რაოდენობის ერთეული	ერთეულის ფასი	ვალუტა	ჯამური ღირებულება
1	L-ornithine-L-aspartate	ჰეპა-მერცი ხსნარი საინფუზიო 500მგ/1მლ 10მლ ამპულა #10	გერმანია	მერც ფარმა	500მგ/1მლ 10მლ	ხსნარი საინფუზიო ამპულა	10	კოლოვი	6	ამპულა	202.40	ლარი	1214,40
ჯამი:													1214,40

შემსყიდველი

საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახური
საიდენტიფიკაციო კოდი: 205360223

იულია ტყეშელაშვილი

მიმწოდებელი

სს „გეფა“

საიდენტიფიკაციო კოდი: 201991229

მიხეილ აბრამიძე

სახელმწიფო შესყიდვის შესახებ # 06/13 ხელშეკრულების
დანართი N2

ქ. თბილისი

5 ივნისი 2019 წელი

N	მისამართები	მიწოდების სიხშირე (საგარაუდო)
1	ქ. თბილისი, ზ. ანჯაფარიძის ქ. N27 + ყველა პენიტენციური დაწესებულება.	ეტაპობრივად, მოთხოვნიდან 2 კალენდარულ დღეში
2	№2 დაწესებულება - ქ. ქუთაისი, ხარებავას ქუჩა, ბოლო მონაკვეთი	ეტაპობრივად, მოთხოვნიდან 3 კალენდარულ დღეში
3	№3 დაწესებულება - ქ. ბათუმი, თევდორე მღვდლის №3	ეტაპობრივად, მოთხოვნიდან 3 კალენდარულ დღეში
4	№5 დაწესებულება - გარდაბნის მუნიციპალიტეტი, სოფ. მთისძირი	ეტაპობრივად, მოთხოვნიდან 3 კალენდარულ დღეში
5	№6 დაწესებულება - გარდაბნის მუნიციპალიტეტი, სოფ. ციხისძირი	ეტაპობრივად, მოთხოვნიდან 3 კალენდარულ დღეში
6	№7 დაწესებულება - თბილისი, აბუსერიძე-ტბელის ქ.№11	ეტაპობრივად, მოთხოვნიდან 2 კალენდარულ დღეში
7	№8 დაწესებულება - ქ. თბილისი, გლდანის მე-7 მ/რ, მე-2 კმ	ეტაპობრივად, მოთხოვნიდან 2 კალენდარულ დღეში
8	№9 დაწესებულება - ქ. თბილისი, აბუსერიძე-ტბელის ქ. №11	ეტაპობრივად, მოთხოვნიდან 2 კალენდარულ დღეში
9	№11 დაწესებულება - ქ. თბილისი, გრ. ხანძთელის ქ. №3	ეტაპობრივად, მოთხოვნიდან 2 კალენდარულ დღეში
10	№12 დაწესებულება - ქ. რუსთავი, მშენებელთა ქ. №60	ეტაპობრივად, მოთხოვნიდან 3 კალენდარულ დღეში
11	№14 დაწესებულება - ქ. წყალტუბო, სოფელი გეგუთის საკრებულო	ეტაპობრივად, მოთხოვნიდან 3 კალენდარულ დღეში
12	№15 დაწესებულება - მცხეთის მუნიციპალიტეტი, სოფელი ქსანი	ეტაპობრივად, მოთხოვნიდან 3 კალენდარულ დღეში

13	№16 დაწესებულება - ქ. რუსთავი, მშენებელთა ქ. №60	ეტაპობრივად, მოთხოვნიდან 3 კალენდარულ დღეში
14	№17 დაწესებულება - ქ. რუსთავი, მშენებელთა ქ.№ 64	ეტაპობრივად, მოთხოვნიდან 3 კალენდარულ დღეში
15	№18 დაწესებულება - ქ. თბილისი, გლდანის მე-7 მ/რ, მე-2 კმ	ეტაპობრივად, მოთხოვნიდან 2 კალენდარულ დღეში
16	№19 დაწესებულება - მცხეთის მუნიციპალიტეტი, სოფელი ქსანი	ეტაპობრივად, მოთხოვნიდან 3 კალენდარულ დღეში

შემსყიდველი

საქართველოს იუსტიციის სამინისტროს
მმართველობის სფეროში მოქმედი სახელმწიფო
საქვეუწყებო დაწესებულება-სპეციალური
პენიტენციური სამსახური

საიდენტიფიკაციო კოდი: 205360223

იულია ტყეშელაშვილი

მიმწოდებელი

სს „გეფა“

საიდენტიფიკაციო კოდი: 201991229

მიხეილ აბრამიძე